



Tematski bilten Saveza općina i gradova Federacije Bosne i Hercegovine



Godina: XXII

Datum: 03.01.2025. godine

Broj: 297

USLUGE SAVEZA:

- PLATFORMA ZA RODNU RAVNOPRAVNOST NA LOKALNOM NIVOU

<https://bit.ly/3GANEJC>

Koordinatorica za rodnu ravnopravnost ispred Saveza:

Mirela Čaušević

mirela@sogfbih.ba

033 216 502

KORISNI LINKOVI ZA RODNU RAVNOPRAVNOST:

<https://www.sogfbih.ba/>

<https://www.mhrr.gov.ba/>

<https://arsbih.gov.ba/>

<https://www.qcfbih.gov.ba/>

ADRESA:

Musala br.5/1

71000 Sarajevo

Telefon: +387 33 216 502,

209 024, 209 120

fax: +387 33 552 810, 216 502

savez@sogfbih.ba

16 DANA AKTIVIZMA PROTIV RODNO ZASNOVANOG NASILJA

#16Dana, #pojednorješenje #Nemalzgovora #ZajednoProtivNasilja

Svake godine širom svijeta provodi se kampanja „16 dana aktivizma protiv rodno zasnovanog nasilja“, koja poziva na okončanje svih oblika nasilja nad ženama i djevojčicama. Kampanja traje od 25.11. do 10.12. Fokus ovogodišnje kampanje je „Svaka zajednica po jedno rješenje za život bez nasilja“.

Savezi općina i gradova u BiH pridružuju se kampanji "16 dana aktivizma protiv rodno zasnovanog nasilja" u 2024. godini sa porukom "Svaka zajednica po jedno rješenje za život bez nasilja".

Program se provodi u sklopu projekta "Jačanje saveza općina/opština i gradova u BiH" kojeg sprovode Savezi općina i gradova Federacije BiH i Savez opština i gradova Republike Srpske zajedno sa Švedskom asocijacijom lokalnih vlasti i regiona, a sve uz podršku Vlade Švicarske i Švedske.



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Agency for Development
and Cooperation SDC



#pojednorješenje



16 dana aktivizma protiv nasilja nad ženama
**SVAKA ZAJEDNICA PO JEDNO RJEŠENJE
ZA ŽIVOT BEZ NASILJA**



Švedska
Sverige



„Rodno odgovorne lokalne zajednice nisu samo vizija – one su stvarnost koju možemo ostvariti kroz konkretne aktivnosti“


Vesna Travljanin,
direktorica Saveza
općina i gradova
Federacije BiH



16 dana aktivizma protiv nasilja nad ženama
**SVAKA ZAJEDNICA PO JEDNO RJEŠENJE
ZA ŽIVOT BEZ NASILJA**

„Naravno da jedinice lokalne samouprave jesu potpisale određene strategije i protokole u prevenciji nasilja u porodici i nasilja nad ženama, međutim mi se trebamo zalagati da to ne ostane samo pusto slovo na papiru, nego da zajedno, jedinice lokalne samouprave, vlada i međunarodne organizacije, kao i organizacije civilnog društva uzmu aktivnu ulogu kako bi ohrabrine žene koje imaju problema u porodici da prijave.“

Nina Mujkanović, predsjednica Mreže za rodnu ravnopravnost Saveza općina i gradova FBiH







SAVEZI OPĆINA/OPŠTINA I GRADOVA U BIH ODRŽALI KONFERENCIJU „LOKALNA SAMOUPRAVA MOŽE DATI ZNAČAJAN DOPRINOS U PREVENCIJI NASILJA U PORODICI I NASILJA NAD ŽENAMA“

Poruke Konferencije:

- **Preporuke** iz obje oblasti, prevencije i zaštite, za nivo lokalne samouprave jeste njihovo aktivnije uključivanje u multisektorski odgovor na nasilje i saradnju sa predstavnicima centara sa socijalni rad, centara za mentalno zdravlje, policije, pravosuđa i ostalih aktera.
- **Drugi značajan** alat koje lokalne samouprave i lokalni nivoi vlasti trebaju koristiti jeste razvojno planiranje i integriranje rada na prevenciji i odgovoru na nasilje u lokalne budžete.
- **Lokalne zajednice** imaju značajnu ulogu u facilitiranju procesa i koordiniranju procesa odgovora nasilje na lokalnom nivou i saradnja i podrška organizacijama civilnog društva koje su aktivne u ovoj oblasti je od obostrane koristi.
- **Preporučuje se** lokalnim samoupravama da ovu oblast integrišu kroz neformalne edukacije, kao i kroz saradnju sa školama, te da koordiniraju i podržavaju procese rada sa djecom i mladima.
- **Kroz Preporuke** Komitet prepoznate su i mjere napretka kao što je uspostavljanje međuagencijske saradnje na entitetskom, kantonalnom i općinskom nivou u pogledu slučajeva nasilja u porodici kako bi se osigurala produktivna suradnja između svih relevantnih aktera i ovakav trend rada je potrebno održavati.
- Konačno, **sistemska i obavezna edukacija** nephodna je za rad na prevenciji. Edukacija se može uvesti kao obuka na radnom mjestu, a da bi se vidjeli rezultati, nephodno je osigurati kontinuitet i održivost takvih obuka.
- Učesnicima konferencije upućen je **apel da vode detaljne evidencije** i koriste podatke za planiranje lokalnih odgovora na nasilje nad ženama i nasilje u porodici.
- Lokalna samouprava **može obezbijediti socijalno stanovanje** za osobe u riziku od nasilja ili osobe koje su preživjele nasilje. Socijalni stan se može koristiti u različitim funkcijama ili kao privremeni smještaj do smještaja u sigurnu kuću ili kao stan podrške nakon izlaska iz sigurne kuće kako bi se prevenirao povratak u nasilno okruženje.
- Lokalna samouprava može **intenzivirati rad sa školama i medijima u radu na prevenciji nasilja** i provoditi kampanje podizanja svijesti javnosti o štetnosti ovog ozbiljnog društvenog problema.






Platforma „Rodna ravnopravnost na lokalnom nivou“ Saveza općina i gradova Federacije BiH



- Kroz postupak **subvencioniranja vrtića**, djeca osoba koje su preživjele nasilje trebaju imati podršku lokalne samouprave.
- Lokalna samouprava može podržati **pozitivne priče u lokalnoj zajednici** koje doprinose uključivanju žena i djevojčica u društveni život, da li kroz podršku ženskim sportskim klubovima ili drugim oblicima udruživanja. Podrška se može realizirati davanjem besplatnog prostora za rad.
- Potrebno je **intenzivirati saradnju** zakonodavne i izvršne vlasti na lokalnom nivou u kreiranju i provođenju lokalnih politika za prevenciju i odgovor nasilja u porodici i nasilja nad ženama.

Video Konferencije: <https://youtu.be/p9WpfM2auJQ>



VIJESTI IZ OPĆINA I GRADOVA POVODOM 16 DANA AKTIVIZMA PROTIV RODNO ZASNOVANOG NASILJA



Grb Općine Novo Sarajevo

Općina Novo Sarajevo

Podrška marginaliziranim grupama žena i drugim marginaliziranim grupama u razvoju biznisa

Načelnik Općine Novo Sarajevo dr. Hasan Tanović, Dunja Jalimam ispred Programa podrške zaštiti ljudskih prava – USAID/ INSPIRE, te pet odabranih kandidata po javnom pozivu za pružanje podrške marginaliziranim grupama žena i pripadnicima drugih marginaliziranih grupa u razvoju biznisa potpisali su ugovore o dodjeli grant sredstava iz Fonda podrške marginaliziranim grupama žena i pripadnicima drugih marginaliziranih grupa u razvoju biznisa.

Općina Novo Sarajevo je u okviru Programa podrške zaštiti ljudskih prava - USAID/INSPIRE ranije potpisala Ugovor o formiranju zajedničkog Fonda podrške marginaliziranim grupama žena i pripadnicima drugih marginaliziranih grupa u razvoju biznisa.

Fond za ovu godinu iznosi 60.000 KM, od čega Općina Novo Sarajevo i USAID izdvajaju po 30.000 KM.

Općinski načelnik dr. Hasan Tanović u svom obraćanju istakao je da je Općina Novo Sarajevo prva Općina u Kantonu Sarajevo koja je pristupila ovom programu USAID/INSPIRE u cilju podrške marginaliziranim grupama žena u razvoju biznisa.

- Mnogo je i drugih programa aktivnih politika zapošljavanja koje provodi Općina, a ovo je jedan mali, ali značajan doprinos u davanju podrške ženama koje ulaze u biznis ali i drugim marginaliziranim grupama, kazao je načelnik Tanović.

Glavni cilj projekta je unaprijediti sistem zaštite ljudskih prava u BiH i pružiti prilike marginaliziranim grupama za zapošljavanje i samozapošljavanje kroz razvoj njihovog biznisa, poručila je Dunja Jalimam ispred Programa podrške zaštiti ljudskih prava – USAID/ INSPIRE.



- Ovo je nastavak naših ranijih inicijativa gdje smo u saradnji sa 10 drugih lokalnih zajednica u BiH već podržali osnivanje 66 biznisa koji i danas uspješno posluju. Danas smo potpisali ugovore za podršku razvoju biznisa sa marginaliziranim grupama u općini Novo Sarajevo, a radi se o dugoročno nezaposlenim mladim osobama, osobama koje su pretrpjele bilo koji oblik nasilja, osobe sa poteškoćama u razvoju, osobe iz ruralnih dijelova lokalne zajednice i slično, istakla je Jalimam.

Odabranim kandidatima iz Fonda dodijelit će se grant sredstva od po 12.000 KM na osnovu odobrenog poslovnog u sklopu Javnog poziva za finansiranje biznisa marginaliziranih grupa žena i pripadnika drugih marginaliziranih grupa s područja općine Novo Sarajevo.

Izvor: <https://www.novosarajevo.ba>

Općina Bugojno

Bugojnu održan **Okrugli stol na temu „Knjigom (obrazovanjem) protiv nasilja- za sretniju porodicu“** u organizaciji Mreže žena Međureligijskog vijeća, Odbora za međureligijsku saradnju Bugojno i Gradske biblioteke KSC Bugojno a koji je nastavak aktivnosti u sklopu projekta „Ujedinjeni u vjeri za zaustavljanje nasilja nad djecom i rodno zasnovanog nasilja“ finansiran od strane Evropske unije u saradnji sa World Vision BiH i Međureligijskim vijećem BiH, na lokalnom nivou podržan od strane Općine Bugojno i JU KSC Bugojno a kojim se željela skrenuti pažnja na značaj prevencije nasilja i ulogu knjige i obrazovanja kao najpristupačnijeg izvora znanja i osnove u procesu vaspitanja i stvaranja zdrave porodice.

Organizatorica i moderatorica, Arnesa Dževahirć - Rujanac, za ovaj Okrugli stol je okupila kredibilna imena iz sociologije, psihologije, pedagogije i književnosti, psihologinju i pedagoginju Lidiju Pehar, sociologa Zlatana Hrnčića, pedagogicu Šejlu Džanan i književnicu Vernesu Manov, kako bi svako iz svojih sfera djelovanja progovorio o vrlo važnoj temi kakva jeste tema o suzbijanju nasilja i stvaranja uslova za sretnije porodice.

Neka od ključnih pitanja, nametnuta samom temom su: Zašto ljudi stalno bježe od realnosti kad se desi bilo koji vid nasilja? Zašto se pod tepih stavljaju ili zanemaruju problemi bilo kojeg vida nasilja? Zašto nam više verbalno nasilje nije zabrinjavajuće? Kako suzbiti u najranijim godinama odrastanja nasilje kroz učenje i razvijanje nenasilne komunikacije? Kakve protokole, planove, priručnike su već i kakve aktivnosti planiraju uraditi u svojim domenima sociolozi, pedagogi, psiholozi? Kakva je uloga porodice?

Gledano sa tačke religijskih poimanja uloga knjige, obrazovanja, vjere, konstruktivnog dijaloga ili sakralnih ispovijesti koje iskazuju čovjekovu potrebu za iskrenošću i ljudi čija vizija jeste ostvarenje pozitivnih ishoda iz svakog pitanja koje se nameće postojanjem, nije samo uloga svakog od njih pojedinačna i sporadična. Sve nabrojane stavke imaju po svojoj bitnosti – Ulogu života.

Djmovi fra. Ivana Pilića i glavnog imama IZ Bugojno, Kemala ef. Tokmića, potvrdili su krucijelne pouke čovječanstvu u tome da je imati vizionarske ideje koje prijaju dušama je blagodat koju smo, svi mi prisutni podijelili i kao u nekoj priči sa divnim krajem, shvatili da je duša božanski sastojak, a da smo mi ljudi od knjige, te nas sve to obavezuje da se, upravo, ovakvim pristupima organizovanja dijaloga, treba ukazivati na stalnu potrebu stavljanja u žižu ovakve ili slične teme.

Zastupnica u Skupštini vlade Srednjobosanskog kantona, gospođa Amela Haračić, po vokaciji prosvjetna radnica, potvrdila je važnost da se o ovim temama konstantno priča. Njeno obraćanje je potvrdilo i smisao održavanja ovakvih dijaloških sesija. Jasno je da mi ne možemo riješiti pitanje nasilja u smislu da ga više nikako ne bude, ali možemo i dužni smo na ovaj način, svako u svom domenu i u svom okruženju svakodnevno raditi na prevenciji kroz različite segmente.

Ono što je u planu u skoroj budućnosti, s obzirom da je jako važna saradnja sa Gradskom bibliotekom, koja nudi prostor i korisnu građu te podršku za organizovanje različitih edukativnih aktivnosti kako za djecu i mlade, tako i za roditelje te je na tragu razmjenutih mišljenja, cilj u budućnosti, uz podršku naših donatora, osmisliti i napraviti dugoročni program koji će okupiti stručnjake koji bi radili na edukaciji vršnjačkih edukatora i među mladima i među zrelijima na temu nasilja koji će dalje biti u stanju prenijeti svoje znanje i vještine na druge, šireći svijest o važnosti prevencije nasilja. Koji će djelovati kao lideri u našoj zajednici jer širiti znanje, razmjenjivati mišljenja, graditi međusobno povjerenje i podršku je ono što je ključno.



Grb Općine Bugojno



Aдекватno obrazovanje kroz prizmu odgoja i vjere, o ovim pitanjima, govori o dugoročnoj perspektivi jednog društva.

Muzičkim numerama, na početku pjesmom „Alisa“ Međureligijski hor Bugojno, pod rukovoditeljstvom nastavnice Samire Merdžanić, skrenuo je pažnju na problematiku o kojoj se govorilo u toku Okruglog stola. Na samom završetku pjesmom „Moj život je moja pjesma“ i stihovima jasno je iskazana snaga i hrabrost svih onih, među kojima su i svi prisutni, koji se bore protiv svih tegoba i problema, da u dubini naših srca, kako reče i jedan sagovornik moramo paziti i njegovati sve što čovjekovu dušu može da ohrabri.

I kao epilog svemu rečenom je misao:

Dar od Boga je - čovjek! Moramo činiti sve da duši damo ispružene ruke, moramo spoznavati zajedno kako nekog u nevolji saslušati, ali i kako razgovarati o onom što nas i kao individue i kao društvo tišti, kako bi taj dar bio što plemenitiji.



Grb Općine Sapna

Općina Sapna

Općinsko vijeće Općine Sapna donijelo Rješenje kojim je imenovan Koordinacioni tim za prevenciju i borbu protiv nasilja u porodici. Koordinacioni tim je održao prvi sastanak u mjesecu oktobru 2024. godine, na kojem je usvojen Poslovnik o radu.

Predloženo je da predstavnici Centra za socijalni rad, Doma zdravlja, Policijske stanice i obrazovnih ustanova najmanje jednom mjesečno održavaju sastanke na kojima će se analizirati postojeći slučajevi nasilja u porodici, razgovarati o aktivnostima u cilju prevencije nasilja u porodici.

Na sastanku je odlučeno da je potrebno u većoj mjeri promovisati prevenciju i borbu protiv nasilja u porodici putem medija koji su zastupljeni u našoj lokalnoj zajednici, početi sa obilježavanjem dana borbe protiv nasilja nad ženama, te održavati kampanje promocije prevencije i borbe protiv nasilja u porodici po mjesnim zajednicama.

Općina Tešanj



Grb Općine Tešanj

Multisektorski tim za prevenciju nasilja u porodici i rodno zasnovanog nasilja Općine Tešanj je organizovao radionice sa predstavnicima predškolskih ustanova koji su po prvi put uključeni u borbi protiv nasilja. Takođe su rađene radionice sa predstavnicima osnovnih škola. Tu su, pretežno bili petagozi, odnosno stručne osobe koje su uključene u protokol kada se desi nasilje.



Almira Prnjavorac, koordinatorica za rodnu ravnopravnost

Općina Centar Sarajevo dugi niz godina u budžetu izdvaja značajna novčana sredstva s ciljem pružanja pomoći i podrške u zadovoljavanju egzistencijalnih potreba ranjivim kategorijama.

Pružila dodatnu podršku u radu ustanovama koje se kroz svoje aktivnosti svakodnevno bave osobama koje su doživjele nasilje, rizičnim kategorijama i na kraju preventivnim mjerama nasilja u porodici i nasilja nad ženama.

S tim u vezi iz budžeta se izdvajaju sredstva za podršku u radu ili projektnim aktivnostima KJU Porodično savjetovalište, Fondaciji lokalne demokratije-Sigurna kuća i SOS dječijem selu.



Amra Hašimbegović Vučković, Pomoćnica Općinskog načelnika



Grb Općine Centar Sarajevo

Uvedena je rodno odgovorna komponenta u Odluci o izvršavanju budžeta

Detaljnije: <https://www.youtube.com/watch?v=82VMTldghM>

Grad Tuzla



Uposlenice Službe za komunalne poslove, izgradnju i poslove mjesnih zajednica na edukaciji za podršku ženama u borbi protiv nasilja U organizaciji Centra ženskih prava i Udruženja „Ženska vizija“ a u saradnji sa Gradom Tuzla, uz punu podršku gradonačelnika Tuzle, uposlenice Službe za komunalne poslove, izgradnju i poslove mjesnih zajednica, Viši referenti za rad u mjesnim zajednicama su u periodu od 4. do 6. decembra 2024. godine prošle trodnevnu edukaciju za pomagačice u zajednici.

Edukacija je namijenjena jačanju institucionalnih mehanizama podrške ženama. Koncept obuke odgovara na potrebu jačanja kapaciteta u lokalnim zajednicama kako bi se omogućila prilagođena i efikasnija praktična primjena instituta „osoba od povjerenja“, koja je uvrštena u Zakon o zaštiti od nasilja u porodici FBiH kao jedan od mehanizama podrške i zaštite.

Grad Tuzla je prvi grad u Bosni i Hercegovini čije su uposlenice ujedno i certificirane pomagačice – obučene su da prepoznaju nasilje i pomognu ženi koja je iskusila nasilje ili je u riziku od nasilja te da joj pruže pomoć i podršku u sistemu zaštite.

Služba za komunalne poslove, izgradnju i poslove mjesnih zajednica.

Općina Banovići

„Kroz svjetske mjesnih zajednica, javne ustanove razgovarano je provedbi gender akcionog plana.

Kroz određene projekte za zapošljavanje, koje vodimo sa našim partnerima, napravili smo inkubator poslovnih ideja gdje promoviramo žensko poduzetništvo.“

Video: https://www.youtube.com/watch?v=7JhCJZ_f-3g

Gender centar Vlade Federacije Bosne i Hercegovine

Važnost izrade javne politike koja će suštinski promijeniti prava građanki i građana

„Jedinice lokalne samouprave, opštine i gradovi su fundus našeg društva. Oni pružaju najviše usluga za sve kategorije građana. Posebno kada govorim o kategorijama, mislim na socijalne, boračke itd. U mogućnosti su, kako operativno u smislu izrade određenih dokumenata, ali tako i budžeta da djeluju u korist građana i građanki Bosne i Hercegovine. Jedinice lokalne samouprave su zaista aktivne po ovom pitanju već dugih 20 godina. No, međutim ta dinamika se mijenja, od momenta i političkih, ali prije svega i institucionalnih. Potrebno je da dijelimo dobre prakse, iskustva, zajedno pronalaziti rješenja za izazove. Svaka od jedinica lokalne samouprave, predstavnika, uposlenika, službenika, samog političkog establišmenta, zaista na koncu shvataju kolika je važnost raditi na izradi jedne javne politike koja se odnosi na suštinsku promjenu prava građana i građanki“

Video: <https://www.youtube.com/watch?v=TkUNDIONSn4>



Selmet Husanović, pomoćnik načelnika

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.